

近代中國史料叢刊第八十六輯  
沈雲龍主編

康南海長安演說集

鄧紹毅·張鵬一筆記

文海出版社有限公司印行

WT221 / 602

東坡先生詩集

# 康南海先生第一次講演

門人 張一鵬 筆記

南海先生日前蒞陝各界歡迎咸請講演 督軍兼省長劉雪雅於十一月十

四日 即夏曆十月初七日 邀軍署暨高軍總司令部全體各師長統領省署政務財政

教育實業各廳長審檢各廳警務督察各處及省內局所各全體同假易俗東

社請 先生講演是日下午一時萬君自逸李君逸門人鄧毅紀後張鵬一

隨 先生乘汽車蒞止時 雪雅督軍率軍政法警局所各官長近於社門

軍警舉槍軍樂齊奏諸官長魚貫入座 先生起而言曰關中爲周秦漢唐

故京數千年第一文化之區鄙人想慕已久頃承劉雪帥盛意遠道招請又過

承諸君殷勤厚意今日歡聚一堂私心非常感喜欲與諸君暢談平日見聞

而一部十七史從何說起然人自天生今先言天人之故何如莊子謂人之

主也與憂俱來故有身即有一身之憂有家即有一家之憂有國即有一國之

憂凡爲家人者處環堵之中有父母兄弟妻子之樂即有父母兄弟妻子之憂

或爲飢寒或爲疾病或傷離別或痛死亡憂患相迫終日昏昏愁苦萬方進而爲國人喪亂頻仍貧弱見徭流離散匿兵燹殺戮其苦尤其矣卽居高官擁兵旅者偶似得意旋卽失亡或得處貴爲時幾何進退無據亦復憂心忡忡不能自解此必不能免之事也是以孔子之不憂不懼春秋改制專爲除民所憂佛之全藏經不過爲解除煩惱老子云及吾無身吾有何憂然身安能無只能順受其正故特言解憂之方古之聖人古之教主亦皆能爲大醫王而已然方有得失未盡中病吾一身在患難之中而置身患難之外以不憂不懼欣喜歡愛中正無邪爲主吾於患難處以天游以爲解憂之良方自哥白尼出知地爲日之游星而自古一天地之說破地爲天中最細物耳人居地球之上當知地球面積不過二萬七千餘里合四百八十餘萬丈法里一萬二千八百籽自德俄外各國際同盟會者四十五國然居地面上猶一村族耳各國猶之比鄰一國猶之一家同國之人猶之父子兄弟故曰聖人能以天下爲一家中國爲一人

乃實在事理非爲大言也蓋地球生於日而環繞之日大於地一百三十萬倍其熱六千沛度地球由日中火力生崑崙者地球中之最先爆發餘支分於大地者也因其火力遂生萬物火力稍歇不惟地球中之物難以蕃生而萬物皆枯死矣即月者地之所生故地球古有兩月一月已死吾以古月今月名之古月之體爲吾地所吸今爲南美洲之巴西阿根庭各國地今幸存一月清光照人得度長夜然月體已冷無生物萬一亦死則吾人竟夜長黑然不獨吾地有月也木星有月七土星有月九土星且有光環爲無數游星之所積吾常引遠鏡見火星之火山冰海又見木土星旁之月光華爛爛衆月交輝恨吾地球月光太少若如木星之有數月吾人終夜而游更無晦朔有同白晝不須秉燭豈不更樂乎然比生於火星之人者夜無一月則自覺吾地人之大樂矣佛說以生天爲樂耶教以天國爲樂吾人每仰視天上諸星輒艷羨天上之樂以爲生於天上諸星者其樂無量豈知自諸星引遠鏡望吾地亦天上之一星也吾地

既懸於天上則吾人皆爲天上之人諸天之星之人其引鏡覽羨吾人爲星中之天上人一也惟吾人爲天上人而蔽於一家人溺於一國人卽徧游地球者知爲地球人亦不自知爲星辰中人爲天上人自隘其境不知享受天上人之樂爲可惜也繞日者吾地之外有金木水火土五星乾隆四十八年始知有天王星咸豐八年又測有海王星今年正月又知有一星其大四千五百英里史中稱日中有黑子今此黑子已離日自爲星矣而遊星之測得八百餘皆以遠鏡視得之地球上風雨雲雷人視之以爲高然只在地面十千紆飛船祇能上至二千紆大氣層在一百二十千紆流星只在百千紆間人有生死諸星亦有生死流星者星之死者也吾地每夜流下二千萬古稱星隕吾每夜視星落如接人之訃音且有多如項羽坑秦新安降卒者知星亦生死則人之生死更不足言矣彗星亦游星其長光如尾如髮殆其中火質吐出或其星亦死矣其數百年見之者則以人壽有限史中數百年星中只當頃刻不足難也老子云天

地且不能久況於人乎由是而言壽夭至小事也日界內之小境夜中舉頭而望燦爛照目者二十八宿與銀河之恆星也更近而言之日亦恆星之一銀河寬十度長二十度體垂爲平吾日在十度之下天狼至光大者與吾日至近之緊鄰也古人以銀河爲一千餘星今測銀河內有百萬星日不過銀河天內之一星耳各星大於吾日者更不知其數卽如至易見者牽牛星大於日十五倍織女星大日二十六倍大火心星大於日一萬五千倍假令心星比地球則吾地得蚊十分之一耳以此比例地球在諸星其小如蚊至日光照吾地須十二年方至牽牛星光照吾地須十五年方至織女星光照吾地須十六年方至大火心星光照吾地須二十五年方至光一秒動二十八萬里然須十二年十五年十六年二十五年之久方至則其遠可知也銀河諸星分六等以色白者爲大黃次之赤次之日光居第五等耳熱光三千度以上爲赤熱光六千度以上爲黃熱光一萬度以上爲白沸水度只一百二十吾日熱度五千至六千故光

照地球發生萬物然甚小故在黃赤間若大火心星一萬度光力尤巨爲白色矮星仍屬二等蓋色黃赤又分二等大曰巨星小曰矮星也每等中大小略分四等共分星二十等焉白星之最大者爲雙星二星相抱終古不離者也吾中國舊以北極爲衆星所拱其說已破歐美人聚訟或以昴星爲極或以南極老人爲極今皆破之以水素星與克廉星爲衆星所拱二星皆白色之雙星也然此皆據遠鏡之所見亦未必然也然必有一極星爲銀河天之重心但遠未見耳雙星相抱物必有牝牡又以見雌雄而陰陽之理之不能離也諸星如此之多如此之大日猶如此况吾地球渺乎小矣然則爲地球大帝極小不足算爲地球各方教主極小不足算况一國乎而况地球八十分之一之中國中國中之陝西陝西中之一縣一縣中之一村一村中之一家一家中之一人其小又不待言矣今測天者妄曰三百六十度而銀河天百萬星僅占十度二十度之小域銀河天上有渦雲天渦雲天內有十六萬星如銀河天者乃渦雲天上之



一星耳由此而推滿雲天上有大羅天中有渦雲天無數大羅天上有碧落天中爲大羅天者無數碧落天上爲晃星天中爲碧落天者無數晃星天上爲洪濛天中有晃星天者無數鴻濛天上爲沌混天中有鴻濛天者無數沌混天上爲宗義天中有鴻濛渾混天者無數宗義天上爲非想天中有宗義天者無數非想天上有非非想天中有非非想天者無數非非想天上有太極天中有非非想天者無數太極天上有元元天中有大極天者無數由元元天而上再推無數無量天亦終無極也神游其中廣大無極其樂無量佛經謂印度須彌山上有四天主天若持變天日月星宿天等上爲三十三天又上爲破摩天又上爲切利天又上爲吼率天又上爲化樂天又上爲它化自在天又上爲梵衆天梵輔天又上爲大梵天又上爲少淨天廣淨天廣樂天又上爲晃星天又上爲善現天皆在須彌山上如立一柱然今引遠鏡一視則各星可見其事至淺而佛不知則佛之無量世界無量劫無量世亦理想所推而已回教言七天自水

金火木土及恒星天上爲光色星星之天並海王星天王星而未知更不能自立故一通天文而諸教皆破故窮理格物之極有無限之權無限之樂今以一千倍遠鏡觀諸星即能明諸星一切皆破通乎諸天則人世無長短大小之可言一家一身之憂患何足言哉吾以此公之諸君同爲天游以超度人世如何窮極諸天則諸教法之上帝上帝何在佛經以爲毘摩切利兜率各有帝佛戰勝天帝天帝遂爲弟子佛未免太誇婆羅門四韋陀經謂天帝爲八明基督舊教謂上帝爲耶和華然謂爲以色列之耶和華則亦不足以當上帝也英人奈端發明重學吸拒之理以爲天只是氣之吸拒無上帝然諸天既不可盡不可測則安能知上帝之有無乎孔子最言上帝詩曰昭事上帝上帝臨汝無貳爾心吾於無可測元元之上以爲自有上帝在昭事之宜也古人言帝天以其監臨至近後人以古爲愚故言人而寡言天吾則以爲天與人至近有潮有光有電三者與天通者也水之朝夕鼓盪進退即日月之所吸也吾地受有潮乃有

風以鼓萬物若夫光之來照吾地藉日光之熱力萬物乃生苟無光照吾地萬物將盡不生而死矣潮與光之關於人至大矣至親矣然潮與光只通日月與諸恒星恒星以上光有所限不能見矣若夫電則諸天皆無不通矣每秒之時電行三十萬里天下之至速未有如電者也今無線可以通電足見電無所不有無所不通無處能舍電者也吾有電通一書發明此義昔無線電人多不信今則徧於大地其理大明電字與神字相似古禡字屈曲相通與電字合禮記云地載神氣神氣風霆風霆流形應物化生有形之電爲電無形之電爲神吾地載電氣而流形生物古人已知之即電通之理也易繫辭云君子居其室出其言善則千里之外應之不善則千里之外應之况其邇者乎蓋皆無線電爲之曾子之母嚙指則曾子心痛而歸視母南史阮孝緒亦然其母病其兄弟欲寄書告之其母云吾病孝緒將自歸已而果如其言五代史尹敏之母思子尹敏亦心痛而歸因此間慈師長玉岷母來隔三十里出迎果遇母此不可解之

事無他無線也  
也至誠卽無線  
至誠以爲無線  
必凝神而後能  
電通也無線電  
聲爲地上所無  
星中人之言語  
亦電通也

電通之理通於  
有之埃及鐵布  
瑄爲永禪師後  
兄弟年二十餘


否汝姊好否生意出租收入好否關兄弟愕然因其問頗奇卽答曰均好惟家計艱難童子取十金付之使歸奉母歲歲如是關兄弟不解其故後童子至十六歲其父母死童子主家政關兄弟再往見約至吉利視其母童子付以三百元使之奉養並築報本祠焉蓋童子前生卽關兄弟之父也此等輪回之事人世甚多不能徧引是以人生富貴貧賤皆由自造如秦始皇武則天之流殘民無道而身享富貴當由前身爲善之故不能以今世論也爲善而身不蒙福如顏子之賢而單瓢陋巷早歲而亡必其夙世少於施捨亦其理也孔子云不知命無以爲君子孟子云莫非命也順受其正命雖天降寶由人之自修故曰禍福無門惟人所召詩曰永言配命自求多福求福之道在正直忠信仁愛最忌奸邪詐詭陰謀在彼害人自謂甚密而不知電報布露于天地間時至發露報應不爽可畏哉電人人有之在人之自修與否修電之點而爲電團務令聚而不散則長明不昧長存不散佛能收電保存電放入定能通一切極之生

生世世靈明不昧陪書所謂修鍊精神以至爲佛卽修電也卽老子謂恍兮惚兮中有物象綿綿若存用之不盡中庸曰予懷明德易曰齋戒以神明其德卽此電也孔子之道時時修省則爲聖爲賢否則爲愚爲賤大學之道在明明德明德卽收電也明之不已則大明終始不可思議此人人可能之事也電有陰陽正負之相吸卽仁之二人相愛也近歐美盛行俄人克魯泡金互助之義互助卽仁也仁爲二人故仁愛人博愛之謂也故愛一家卽爲一家之仁愛一國卽爲一國之仁愛天下卽爲天下之仁凡諸天嘗我所愛況我所立之地乎况我所生之中國乎孔子云道二仁與不仁而已仁則電能通而全體暢洽不仁則電不通而全身癱瘓一身如此天下同之然今欲仁愛中國須有補助之法中國今所乏者物質是也陝西爲古帝王之州長安洛陽相去五六百里漢唐都會所在而無一石道至今道路不修林木乏缺回憶游意時羅馬極盛混壹歐洲時代曾修通英之石路其長萬里舊跡猶存吾嘗行之游歐洲之人皆知

之吾國視之愧矣

歐洲物質之盛由於拿破崙當西歷一千七百九十六年創獎勵物質之制凡發明能製新器者予以專利之權現在新器吾游華盛頓博物院時有各器雛形凡十九萬五千餘件至今始近二十萬矣各鐵路輪船電燈電話無線電皆其一也故各國比較有十九萬五千新器者強無十九萬五千新器者弱有十九萬五千新器者富無十九萬五千新器者貧有十九萬五千新器者存無十九萬五千新器者亡有十九萬五千新器者爲文明無十九萬五千新器者爲野蠻吾望陝西官士工商人人發憤講求物質使新器日出如鐵路機器等應有儘有則陝西富矣興矣中國亦從而興矣

吾生平多在患難中然游于天故以不憂不懼爲事望諸君願認天命留心電通爲一己計以仁爲主自製其命永受多福爲國家計從物質起從理財起吾有物質救國論理財救國論早行於世諸君閱之當知其故矣





## 康南海第二次講演

十一月十五日即夏歷十月初八日學界公請南海先生講演是日下午二時萬純安李逸民及門人鄧剛仲張扶萬紀朗夫陪乘汽車至易俗社時學界到者三四千人衛隊肅立兵樂歡迎樓上下皆滿樓板幾墜後至者不得入兼座劉公景教育廳長迎於門外先生登講臺兼座報告歡迎詞畢先生起而言曰鄙人來陝西承諸君歡迎厚意不勝感喜陝西爲周漢唐舊都文化最古今有劉督軍興學于上各長官及賢士夫佐助于下豈待鄙言惟今日學校諸生數千人大集皆全陝優秀之士將來成就人才爲中國爲陝西所關甚大鄙人今日來此願與諸君言孔教蓋孔教產于中國與中國最宜諸生應聞之者及今中國困窮應探各國物質之學以爲本末兼備之學說我輩圓顛方趾不是天神不是禽獸無論爲官爲民爲士農工商總而言之曰人既在世界生而爲人卽有人之道卽應知人之所以爲人之道日本所謂宗教英文爲哩利盡

即神道教也如婆羅門教佛教基督教回教皆勸人爲善者但只注重靈魂所謂神道教也日本人譯爲宗教不誤也日本人信仰佛教佛教下有禪宗真宗天台華嚴慈恩諸宗故宗教誠爲神道教與中國數千年所謂教固不同也中國兩漢以前外教未入所謂教者非孔子而何孔子之教不專言靈魂而實無所不包簡而言之曰人道教而已中庸曰修道之謂教中國於佛教未入之先三代及後漢政化至盛豈曰無教蓋皆孔子之教二千年來以迄於今矣人必有性中庸所謂天命之謂性朱子解性爲理非也荀子莊子孝經緯禮緯董子繁露皆以性爲生之質蓋性有德性有氣質之性之分董子謂性有陰陽陽者德性也陰者氣質之性也二性皆天之與人不可少者若朱子之說則有陽而無陰偏而不舉不能該人之性卽不能盡入之道也德性具有仁義禮智信之德質性有視聽言動之能率性而行能視能聽如今日諸君來聽演說內受而通之智也外則視能明聽能聰卽率性之端也故曰人者天地之德陰

陽之交鬼神之會五行之秀氣也穀梁與董子曰非天不生非父不生非母不生三合而後生故謂之天之子也可母之子也可此孔子至要之微言也孔教與各教不同之處在此夫種瓜仁而得瓜種豆仁而得豆以人生人豈非賴父母乎若只賴天而不須父母則程生馬馬生人能之乎瓜生豆生瓜能之乎若只賴父母而不賴天則靈魂所託六道輪迴誠有自神道自禽獸道來者此豈父母所能生乎以譬叟而有舜以淨飯王而有佛此豈父頑母嚚所能生乎故孔子三合而後生乃至論也知人自天生則萬物自爲一體何止民爲同胞則不期仁而仁矣知人自父母生則尊祖敬宗自親家族豈惟愛其一身則不期孝而孝矣故論語中庸皆曰明乎郊社之禮禘嘗之義治國其如視諸斯乎指其掌蓋郊祭天社祭地春禘秋嘗皆以行大禘之祭以合祭祖禰也祭天以明萬物一體之仁祭祖以明家族相親之孝仁孝皆備治國可運諸掌矣此孔子人道之大義也祭以尊奉天神人鬼孔子講魂而運於人道之內所謂聲明

魂魄傳於國極也諸教只言天只修魂道教只修魄基督至仁蓋專重天也佛  
教至智蓋專修魂也而佛謂戰勝上帝爲弟子過矣基督與佛同言魂蓋與佛  
之人天教同故不嫁娶獨尊天而寡及父母言仁而寡言孝尊魂而少言修身  
也孔子則天與父母並重故仁孝兼舉魂與體魄交養故性命雙修莊子稱孔  
子本神明育萬物本末精粗六通四闢其運無乎不在董子述孔子曰天者仁  
也又曰仁爲天心孟子述孔子曰人者仁也合而言之道也老子謂天地不仁  
以萬物爲芻狗聖人不仁以萬民爲芻狗夫道二仁與不仁而已老子何嘗不  
曰居善仁慈善爲室知老子非不言仁也而曰將欲取之必先與之是以仁爲  
手段以不仁爲宗旨也孔子以止辟刑期無刑非無不仁之事然以不仁爲手  
段以仁爲宗旨故尸子謂孔子主仁也

仁從二人鄭康成謂相人偶蓋二人相助之義假使大地只我一人則一切無  
所用也既有二人則必有相處之法矣譬如諸君相見而傲然背立始則必相

怒以色中則相詈以口繼則相毆以手終則拔刃而流血伏尸矣則不仁之道其可行乎若諸君相見而愷然揖讓始則傾蓋如故中則並坐鼓簧繼則同業提携終或託孤寄命矣則仁道豈能須臾離乎歐人今盛行克魯泡金互助之義互助者相人偶之仁也真人道也固我孔子日言之仁也論語一書言仁者四十三章至切之說則曰仁者愛人而已然則求仁之道如何曾子謂忠恕違道不遠孟子謂強恕而行孔子謂終身可行爲恕故自順言之則己欲立而立人已欲達而達人反言之則己所不欲勿施於人大學之言平天下不過絜矩所惡於左無以交諸右所惡於前無以先後孟子謂推心可以保四海不推心無以保妻子好貨好色亦可惟須推以待人故以不忍之心行不忍之政則道濟天下古人所以大過人者無他善推心而已然愛有差等施由親始孔子立仁孝兩義而以孝弟爲仁之本故孔子作孝經以明孝作春秋以明仁鄭康成解中庸立天下之大本經天下之大經大本者孝經也大經者春秋也其尊孝

經至矣朱子以孝爲順德諫矣孝經緯解孝爲報詩曰欲報之德昊天罔極凡人殺人則償命欠債則還錢乃至公之理也受父母之腹育顧復而不報於理安乎新學有非孝之說則欠債可不還錢乎夫不還債則債主嚴追之否則官代押追之明則有禮樂幽則有鬼神不報父母恩者鬼神代爲押報之故有輪迴之事以報恩報怨紀曉嵐閱微草堂筆記有人借錢十貳千者久不還己而見其人來曰借君錢今日來還也其人忽不見而田人報牛欄生牛矣後果賣得十二千其報應昭昭若此吾人受父母大恩而不知報豈止不得爲人以輪迴求之正當入地獄爲畜生耳

孔子至聖豈不能託爲天之師天之子天之使以自尊而於人倫之間乃曰所求子以事父未能所求弟以事兄未能所求臣以事君未能所求朋友先施之未能庸德之行庸言之譁有所不足不敢不勉又曰出則事公卿入則事父兄喪事不敢不勉不爲酒困何有於我大學爲人臣止於敬爲人君止於仁爲人

父止於慈爲人子止於孝聖人之於人倫歆然若無能故曰中庸不可能也蓋現身爲人生我者爲父母同生者爲兄弟配我者爲夫婦我事者爲君事我者爲臣交遊者爲朋友皆人道不能外之也人既不能超於天上又不能入於地下又不能人人出家學道即能出家而徒兄弟徒弟徒孫依然效法人世則慈孝友恭之道亦同然則雖出家亦不能逃於人道之外卽不能出於孔教之道外矣至於君臣之義如一家之中父母爲之君易曰家人有嚴君焉父母之謂也卽開一店則司事者爲君衆夥卽臣也若無司事則生意立敗矣凡百事皆然然則君臣之義包括甚廣安罷去之哉左傳曰王臣公公臣卿卿臣大夫大夫臣士士臣皂皂臣隸隸臣輿輿臣臺蓋人類治事迭遞爲君臣秦漢之間稱人爲君自稱爲臣魏晉亦然郡吏對郡將爲君臣至梁武帝始禁除對皇帝外不得稱臣乃改稱下官今唱戲猶有下官之稱是以梁以後臣之一字專爲對皇帝之稱然古無此義也然則以君臣二字攻孔子不能也

夫人生而有耳目口鼻之體即有視聽言動之用即有聲色臭味男女之慾人生有慾必不能免也人之慾以禮法制而寡之則可絕而去之不能也孔子以人情爲田故曰道不遠人人之爲道而遠人不可以爲道人有耳目口體之性孔子則爲之五聲五色五味以調和之有男女之欲則爲之定夫婦以禮樂文之以婚娶節之使無過不及所謂修道之教也譬如路焉有木路有石路有磚路有泥路泥路則天然者也若孔子修人之路則禮有三統尙忠尙質尙文各視其時尙黑尙白尙赤各視其宜春秋有三世變亂昇平太平其運無所不包今地球各國之理不能外後此千百年亦不能外也禮運有大同小康之別所謂萬物並育而不相害道並行而不相背孔子因時權變求適其宜此猶木路石路磚路之等也譬如夏葛冬裘孔子無所不有而行之視其時與地苟非其時與地則不可行也不可行者孔子不主也至於人身之中視聽言動皆爲之則故視思明聽思聰色思溫貌思恭言思忠事思敬及夫頭容直視容肅口




容止目容清明一切言動起居自天子至於庶人無不一一爲之法則制爲禮經以爲範圍所謂安國家定社稷利人民存後嗣別嫌疑定是非自冠婚喪祭鄉相見朝覲會同無不有制度人官物曲曲成不違皆以爲人之法守若夫人事又爲之立命以安之故曰莫非命也順受其正孔子之爲人道至矣凡有血氣誰能免此故曰道不可須臾離也可離非道也又曰誰能出不由戶何莫由斯道也若人能不衣不食不屋不婚則可出孔子之道之外矣吾嘗至印度見婆羅門教人其食有一搥米半搥米有過午不食有一日不食有三日不食有七日不食有十日不食有一月不食者有赤體塗身下鋪矢上懸於十字架夏日曝烈日中者有臥於荊棘上遍體流血者有燒指者有自焚者其居則坐於山岩坐於樹下坐於渠下者終身不婚嫁則與僧同矣若是則出孔子之道之外者矣否則凡有衣食住婚嫁者無論何教皆不能出孔子之道之外也而欲攻孔子是自攻也若今之所謂孔子者乃朱子耳朱子之言樂理居敬朱子

之美也惟不及養欲給求以盡人之性則割孔子之地而偏安矣今之議孔子者議宋子耳非孔子也孔子圓通無礙隨時變通無所不有無可議者也今之新學自歐美人歸者得外國一二學說輒敢妄議孔子豈知歐戰之後歐美人於邊沁功利之說克斯黎天演優勝劣敗之論行之已極徒得大戰之禍死人千餘萬財力皆竭於是自知前人學說之未善各國博士乃求於孔子之道覺其仁道切於人用乃日漸尊崇之若今克魯泡金之言互助非孔子之仁乎仁以二人爲仁非互助而何杜威言發表自性孔子言盡其性盡人之性如阿柏格森言天只有非孔子言天行健乎吾嘗見嚴復之書札曰觀歐洲三百年之文明祇重物質然所得不過殺人利己寡廉鮮恥而已回思孔子之道真覺量同天地澤被寰區此非僕一人之私言乃歐美學者之公言也嚴又陵亦歐洲學者翻譯歐洲學說甚多且舊歸心基督教者然晚年其論如此又近有通博之學者久遊歐洲昔甚反攻孔子今亦改而尊從孔子亦可知真理之不可

破矣歐洲之富強在其物質近世科學日精文明日盛機器之用三十倍於手工近發明電化倍數更不可思議吾國長於形上之學而缺形下之學科學不講物質不修故至貧弱不能富強今應探歐美之物質講求科學以補吾國之短若夫道德教化乃吾所固有宜力保之萬不可自棄之願諸君無惑於異說毋入於歧途外求歐美之科學內保國粹之孔教力行孔子之道修身立志以爲天下國家之用鄙人不勝厚望焉鄙人有望於學生者五一日博學吾以爲吾人生於地上凡古今萬國之學問皆應通之凡全地之山川草木鳥獸百產皆應識而受用之凡諸天之日月星辰皆應識而交通之古人謂通天地人之謂儒以一物不知爲恥吾則謂棄天與萬物而不取是暴殄天物猶陶朱猗頓之子其家百寶皆備然乃不知發狂行乞豈不可咲哉二曰行仁天以才力聰明賦於諸君得以爲學是天之格外優待諸君也凡民悉同胞其有愚昧顛連困苦皆吾兄弟之無告者天使先知覺後知使先覺覺後覺使長兄撫幼弟故

天下有溺者猶已溺之天下有饑者猶已饑之匹夫不得其所若已推而納之溝中學者嘗有此仁心然後能爲聖賢豪傑所謂舜何人也予何人也有爲者亦若是三曰專門今大地百國學問甚多誠非一人所能盡故分門別類各因其性之所近專學一門今歐洲史學昔以百年分一人專習者今改爲五十年矣歐人求如彼十八九紀之李封黑智兒斯賓塞等已爲過去不可問之事故諸生必當專一業之中以求精求博以之成學爲樂以之立身成名以之養家益國四曰常識凡今學人雖不能博學而必當有常識凡地上各國通行之天文地理通行之政教禮俗通行之衛生立身通行之書畫文詞必當解之古所謂不學詩無以言不學禮無以立詩禮卽古人之常識也無常識則無以言無以立不能比于古人如歐美人非人人大過人惟常識則無不有之吾中國人則乏此常識故小之則見口大之則不能爲用也五曰樂學人生必有類各有所樂其類樂施之聲色賭酒則入于下愚或流于獸類則民斯爲下不止不能

成學其或蕩家失身且父不以爲子妻不以爲夫弟不以爲兄焉終身落拓鄉黨不恥辱莫大焉若能崇類于學業好之無味則日孳孳不倦且中心入焉而相忘甚且因而得樂孔子曰知之者不如好之者好之者不如樂之者樂之者執業把卷如好好色身心快愉若莊子之言承烟輪遍庖丁然人必如是而後能成學成名若勉強爲之藉爲求富貴利達之具則入必不深業必不成即成亦欺人耳與其求十外之富貴利達聲色賭酒而以爲樂如何求之于內而已之學業爲樂不厭不倦其味無窮學而時習不亦說乎諸君勤勤待鄙人用以爲報願垂採鄙人此言



南海先生第三次講演

門人張鵬一筆記

十一月十七日（即夏曆十月初九日）西安青年會講講下午二時萬君自逸李君逸門人張鵬一紀後鄧毅陪先生蒞會會中董事幹事歡迎於門各會員各界人士聽講者二千餘人先生登講壇董事劉劍侯報告歡迎辭畢先生起而言曰鄙人游陝承貴會諸君勤勤邀來歡悅無既吾人生於地球古昔山河阻隔未能交通各地各生聖人爲之教主基督教行於耶路撒冷衍於羅馬後入中國以保養靈魂博愛平等自由爲義希臘稱爲釐離盡其義蓋云神道也孔子爲人道教略有不同然吾人圓顛方趾人也非神也易言乾父坤母春秋言天吾人之祖父又曰天仁也基督以天爲父日言上帝與孔子全同孔子謂人非天不生非父不生非母不生所謂三合而後生故天者萬物之所由生母者一身之所由生也人人不能離父母以自生人人不能外天以自生故當以天當孝父母敬天一事各教皆然天即上帝也基督言天言上帝

孔子亦言大言上帝詩曰上帝臨汝毋貳爾心又曰赫赫在上明明在下天難  
忱斯不易惟王天位殷適使不挾四方皆使人敬天畏天之意也惟佛以帝天  
爲己弟子此則不可訓人知萬物爲天所生則萬物一體人當本天之仁愛以  
愛萬物愛同類同類之人與吾同此耳目同此心思者也是以基督教言博愛  
佛教言慈悲言衆生平等孔子言仁蓋教主皆以慈愛爲主然親親仁民愛物  
有次第焉言博愛而不言愛物則愛之義未廣言衆生平等而不分等差則事  
有難行吾嘗斷肉食四日後以顯微鏡視一滴水一瓣花一粒米皆有無數微  
牛物寄生其中始知飲一滴水摘一瓣花食一粒米皆能殺無數微生物苟推  
其義則一滴水不可飲一粒米不可食吾必喝死餓死而後已以事理之不能  
也故復食肉惟力行仁愛吾同類之人而已同類之中又不能人人一律仁之  
愛之故必由近及遠由親及疏焉吾有一杯茶一升米吾飲之食之先奉吾父  
母兄弟妻子而不及其他者非不欲愛同類也以盡請諸君飲之食之力有不



不能勞有不可也靈魂之明以配上帝仁愛之心以及人物須有以養之養之者齋戒以神明其德而已終日顧諟天命恪恭乾乾令其明德大明明德卽靈魂也自精言之則爲明德自粗言之則爲靈魂其斷喪靈魂者莫甚于奸詐盜偽陰謀閉藏喪其浩然之氣人之爲惡發於一念自以爲密人不能知故敢於盜竊敢於奸誘敢於殺人不知隱微之中靈魂已失上帝已臨鬼神已覺德不能明電報無所不通矣

隱微之事人嘗忽之不知天下之理本無大小顯微之可言特人以肉眼觀之爲有大小顯微之別耳吾有一書曰顯微今引以證之吾嘗以三百倍顯微鏡觀一蟻見蟻之長有五尺其中心肝脾肺腎大小略與人同因推其理以爲假使以三千倍顯微鏡觀之則蟻之長常有五丈假使以三萬倍顯微鏡觀之則蟻之長常有五十丈假使以三十萬倍顯微鏡觀之則蟻之長常有五百丈假使以三百萬倍顯微鏡觀之則蟻之長常有五千丈假使以三千萬倍顯微鏡

觀之則蟻之長當有五萬丈假使以三萬萬倍顯微鏡觀之則蟻之長當有五  
十萬丈假使以三億萬倍顯微鏡觀之則蟻之長當有五百萬丈吾萬國所緣  
之地球不過四百八十萬餘丈則此蟻大於地球矣假使以三兆萬倍顯微鏡  
觀之則蟻之大當十倍地球假使以三京萬倍顯微鏡觀之則蟻之大當百倍  
地球假使以三垓萬倍顯微鏡觀之則蟻之大當千倍地球假使以三秭萬倍  
顯微鏡觀之則蟻之大當萬倍地球假使以三壤萬倍顯微鏡觀之則蟻之大  
當一億倍地球假使以三溝萬倍顯微鏡觀之則蟻之大當一兆倍地球假使  
以三湖萬倍顯微鏡觀之則蟻之大當一京倍地球假使以三正萬倍顯微鏡  
觀之則蟻之大當一垓倍地球假使以三載萬倍顯微鏡觀之則蟻之大當一  
秭倍地球假使以三極萬倍顯微鏡觀之則蟻之大當一壤倍地球假使以三  
恒萬倍顯微鏡觀之則蟻之大當一溝倍地球假使以三河萬倍顯微鏡觀之  
則蟻之大當一湖倍地球假使以三沙萬倍顯微鏡觀之則蟻之大當一正倍

地球假使以三阿萬倍顯微鏡觀之則蟻之大當一載倍地球假使以三億萬倍顯微鏡觀之則蟻之大當一極倍地球假使以三祇萬倍顯微鏡觀之則蟻之大當一恒倍地球假使以三無萬倍顯微鏡觀之則蟻之大當一沙倍地球假使以三數萬倍顯微鏡觀之則蟻之大當一阿倍地球假使以三不萬倍顯微鏡觀之則蟻之大當一祇倍地球假使以三思萬倍顯微鏡觀之則蟻之大當一無倍地球假使以三議萬倍顯微鏡觀之則蟻之大當一量倍地球數有所窮莫形其大則以天地玄黃爲代數屢究此蟻之大而代數加至焉哉乎也之數此蟻之大仍不能盡其形象蟻既大於地如此其中無所不有吾別發明於吾所著顯微書中然則人世果何有大小長短之可言其有大小長短者乃人之肉眼所觀限之耳離肉眼所觀以視虛空當知鬼神萬靈在上在旁暗室幽獨時時監視可不懼乎可不戒乎通幽


慎微明吾明德保吾靈魂常大光明則上帝可對越鬼神合吉凶矣

欲明明德又必時時齋戒沐浴內滌妄念外潔身體其要有三一洗心二洗身三洗屋洗心以仁愛和平養其天倪而以去機變詐譎爲第一要務如農夫然芟盡荊棘剪盡穢蕪然後可播種而植嘉禾也洗身必每日滌其塵垢使之清明人身毛孔有二千萬塵垢不去則毛孔蔽塞血液停滯易生疾病吾遊各國時凡頭等車船有不許中國人坐者頭等房屋有不許中國人住者以中國人身體不潔西人厭之故有此辱而內地之人知之者少或終身不浴或年月不浴或數日不浴故身體臭穢爲人厭畏不可不戒必日日一浴然後潔淨所謂齋戒沐浴可事上帝也洗屋一事尤關衛生而吾國亦不講求吾入陝境每見便溺任意不以爲怪不知各種疾病由此發生何也人之生也本無疾病疾病之來一由於內五勞七傷是也一由於外風雨寒暑是也此外病之傳染由於蚊蠅二物蚊生於污水蠅生於臭糞飛集於食物食物入口種種危險生焉欲

除蠅害第一不可任意便溺第二當修改廁所除穢器外吾游荷蘭得潔淨易行之廁所方法其法以板或磚爲牆隔廁爲內外內高以容人坐爲座牆中函以管或玻璃或瓷製廣約六七寸長尺許管出牆外接以瓷缸以儲糞溺缸上覆外板施以柄上覆以土可植花草以爲美觀挑糞時以柄起蓋事畢仍覆此墙板置廁之法也牆內近管之處開穴板爲六七寸之孔可上可下以爲便溺之所旁置缸儲水便溺後勺水衝管引板挂之使糞溺淨盡下板分蓋近管便溺之孔則內外潔淨此法中下人家皆可仿行勿以爲小事而忽之也又屋內有泥無板則泥生地毒毒入血液亦生瘡疥宜施地板以隔地毒其有磚者差勝然亦不能防地毒也外國無論矣如緬甸暹羅安南無不有地板吾西北各省無之殊非衛生之道所望改之也古人云民生在勤勤明不墮北方人不知勤蓋由不洗身洗屋血液不活身不暢旺常憊思臥不欲動作因之百業不興生計窮苦故洗潔所關至大也身心兼洗清明潔淨可以明德可以衛生皆

人道之常而言仁愛之實事也然仁愛之推行非富不可非勤不可非講物質之學與汽機之工藝不可汽機之利非手工所能爭也其事創之英人瓦特當乾隆三十六年因烹茶見沸水之動其蓋乃製汽機行于大地英人以爲復生日吾遊英見瓦特宅英人敬而保存之至嘉慶六年爲西歷一千七百九十六年拿破命獎勵發明新器者准予專利風氣大開吾游美時觀華盛頓博物院有新器十九萬五千餘件（說詳第一次講演內）昔德國勝法後強而不富西歷一千八百七十七年美國費釐地費賽會德人只有克魯伯砲廠得一金獎牌德皇與俾斯麥商知非獎工藝不能富國德人貴族三十萬向收田租不講工藝德皇乃大召三十萬貴族開一大會使全國貴族講求工藝德皇自認習一藝太子親王皆自習一藝以爲之倡三十萬貴族乃各出其田租以講工藝十年後德之工藝等於英法二十年後德國工藝等於全歐各國富且強矣陝西道路不修工藝不興地方貧苦余來視之惻惻於心望諸君講求物質提

借汽機工藝使地方漸富新政推行仁愛之心方可見之實事此皆本上帝愛人之心尤望諸君本上帝愛人之心愛其親以及同類之人推之愛及物萬也先生講畢羣拍手致謝董事董健吾起立又代表聽講全體二千餘人致謝出至茶點室款待諸董事幹事又請先生暨同來諸人攝影而散時已四鐘餘矣





## 南海先生第四次孔教會講演稿

十一月十七日

即夏歷十月初十日

孔教會請先生講演孔教大義是日下午二鐘萬君自逸李君逸暨門人紀後張鵬一鄧毅隨侍先生赴文廟由禮門下與同人迎於大成門階下時兼座劉公長安知事王君衛輝李敏修武陟王湛塵先至紳學各界來者萬餘人門庭內外幾無立足地劉公請先生暨同來諸子本會各員於大成殿前行釋菜禮先生初獻劉公亞獻李敏修終獻陪祭者同行三叩九叩首禮禮畢以聽講人滿繞大成門西邊而出先生至講壇起而言曰

今日孔教會同人請鄙人講演紳商學界到者萬餘人教庭爲滿鄙人不勝歡幸追思十年前鄙人倡此會時人雖寥落亦殊可慰也人之生世不能無教教有二有人道教有神道教耶佛回諸教皆言神惟孔子之教爲人道教人之道莫大於人倫古時草昧初開人倫未明其見於經傳佚說者如楚王之娶媼則以妹爲妻衛詩之新臺魯昭之娶同姓吳孟子此兄妹父子同姓爲婚之事至

春秋時猶然而太公望亦爲老婦之出夫然則女人有權可以逐夫凡此風俗中國古時爲然今各國亦有之墨國美國兄妹爲婚英國則以同曾祖爲限惟吾國自孔子明人倫以正人道前此舊俗乃爲丕變當時諸子莫不改制如墨子之薄葬短喪非樂而孔子有禮樂重喪服莊子謂墨子其道太嚴使民不堪離于天下其去王遠矣推孔子爲神明聖王以爲四通八闢本末精粗無所不備道不遠人與時變通爲人道所不能外故能成其教也蓋必知古制方知孔子之改制又必知婆羅門佛耶回各教之制由各方面而觀乃知孔子改制立教爲人道也婆羅門教身不被衣腰束一帶食一掬米或一日一食或數日一食或至七日九日乃至一月始一食不居房屋或於樹下土溝中以之止息且有縛身十字架身上塗油盛暑則上曬太陽下鋪屎乾棘刺臥其上展轉反側通體流血或自焚者或割臂者佛之爲教捨身愛物故斷臂斷齧割肉飼虎僧不娶婦尼不嫁夫耶之天主教亦然神父不能娶妻則無男女之好無父子之

親但言專養靈魂求升天上或不失人身或不墮輪回是皆無與人事所謂神教非人道也道教主長生天下安有長生者道家之祖老子亦曰天地且不能久何況于人乎然則老子亦不言長生也夫飲食男女人之大欲存焉孔子許之而不之禁但有道以節之否則奇邪乖僻之事出焉故孔子本人情以爲教聽人有夫婦故禮始于謹夫婦也庶人則匹夫匹婦又以女多男少而諸侯大夫荒淫無道故爲定限制焉夫婦定而後父子出故生我者爲父母同生者爲兄弟交游者爲朋友凡事必有主伯亞旅則主伯爲君亞旅爲臣故有父子則示以孝慈有兄弟則示以友恭有夫婦則示以義順有朋友則示以信義有君臣則示以禮忠有威儀禮儀以養外有明德達道以養內自養生送死制爲儀法令人無憾喪祭之法宗廟之禮以體魄雖降知氣在上故立廟而享聲答魂魄施於國極以人道而兼神道無須臾之可離也吾前在美時門人陳煥章與各教中人辨論問於吾吾曰汝問之曰汝食乎曰食曰汝衣乎曰衣汝居室乎

曰居汝有夫妻乎曰有汝須忠信乎須文行乎曰須應之曰衣食住夫妻忠信即孔子之教也然則汝實孔教矣人無以難蓋孔子之教人類所不能中西一也故中庸曰道不可須臾離也可離非道也卽人道也孔子之道人以爲田人有口則與以五味有目則與以五色有耳則與以五聲有鼻則與以臭有身則衣以五采復盛爲禮樂以節文之以安樂之故言寡欲不言緇也又曰視思明聽思聰色思溫貌思恭言思忠事思敬疑思問忿思難見得義事事物物皆爲之法所謂有物有則人所不能外也試問視不明聽不聰不恭言不忠其可行否凡此皆非身外之物而身內之則也至天之命人而性性者人之所以生禮緯孝經緯董子皆以性爲生之質有義禮有氣質朱以性爲理則偏而不全性人有之物亦有之譬如附子性熱大黃性涼是也性而行外之爲耳目口體男女五倫各有道焉內之則仁智勇三達德也仁二人己與人之謂有己卽有人故愛己更須愛人智者智識之謂不智則愚

禽獸勇者力行之謂不勇則弱不仁則柔不智則愚三者之中以仁爲重孟子述孔子曰道二仁與不仁而已矣又曰仁者人也合而言之道也蓋以人行仁乃爲仁道如今日之會諸君環聚一堂敬恭鄙人鄙人深感諸君樂爲話言皆仁之顯而易見者也故推愛一人以愛一家愛一家以愛一國愛一國以愛天下皆仁之等也其仁多者爲大人其仁小者爲小人其不仁者非人也至視人之溺猶己溺之人之饑猶己饑之匹夫匹婦有不被其澤者若已推而納之溝中則仁之量始爲完備均是人也或爲聖人大人其不能者可恥也故以不忍之心爲主推斯心可以保四海不推斯心不足以保妻子也智者人與物之別也人惟大智故生於萬物之中出於萬物之上禽獸惟不智故爲人宰割不能抵抗佛言波羅密以智慧爲第一華嚴經言佛之極亦云大圓鏡智智之時義大矣哉勇者知恥之謂知恥則人能之事我亦能之顏淵曰舜何人也予何人也也有爲者亦若是故人能愛人我如不能則我不勇也人能講物質富國家我

如不能則我不勇也中庸曰強哉矯易曰天行健君子以自強不息勇之謂也  
仁智勇之本皆在明德明德即佛耶之靈魂也但名不同耳虛靈不昧有以養  
之則光大無窮如電燈然由十枝光加至百枝千枝萬枝如電光之明星光之  
照故易貴大明終始也明德之極通於鬼神孔子云莫見乎隱莫顯乎微言隱  
微之地鬼神臨之不可或忽隱微之極在於心思凡詭詐陰謀人以爲隱微鬼  
神早已感觸今攝影中往往冤鬼顯出豈非明證乎大學言慎獨中庸開端卽  
言莫顯乎微末章亦言內省不疚詩曰神之格斯不可度斯故鬼神如在其上  
如在其左右上帝臨汝無貳爾心以人有心也當正有身也當修有家也當齊  
有國也當治有天下也當平內則盡己性以盡人性盡人性以盡物性而經世  
大法則有三統有三世三統之制託之夏商周各有不同三正建寅建丑建子  
今改歷建子仍是孔子制也冠有圓有方衣裳有長有短有衣長前衽有衣長  
後衽今歐人禮服有燕尾服是也其色尙黑尙白尙赤今歐人尙黑色是也屋

則七十二牖三十六戶非歐人屋而何故言夏制則卑小方今中國是也言周制則鈞衡斡圓言殷制則高大圓侈歐人宅室皆孔子制也三世則有據亂升平太平據亂內其國而外諸夏升平內諸夏而外夷狄太平則內外大小男女若一吾國人向輕外此據亂也今引歐美文明爲友而輕各野蠻國升平也一切可推之亦可推三世爲九世有據亂之據亂有據亂之升平有據亂之太平有升平之據亂有升平之升平有升平之太平有太平之據亂有太平之升平有太平之太平各地世既不同制亦相反今中國尙有生番而俄已行過激因時制宜與世消息孔教固無所不包所謂溥博淵泉而時出之道並行而不悖也當時弟子顏子早世以有子爲大宗故論語稱爲有子而不名當時子夏子游子張皆顏師之子夏傳春秋三世學子游傳大同之學子貢傳性與天道之學一傳田子方再傳莊子故莊子天下篇言孔子爲神明聖王而以己與天爲徒爲第二等尊孔子至矣其以老子爲真人爲第二等焉後世以莊子爲第


二等非也此亦孔門自割地也曾子守約論語一書是其傳也蓋曾子壽九十  
生長於魯弟子衆多然將死言道尙在正顏色出辭氣遠鄙倍則淺狹孔子之  
道韓非子言儒分爲八有顏氏之儒有子游氏之儒子夏氏之儒子張氏之儒  
漆雕氏之儒有孟氏之儒有樂正氏之儒有公孫氏之儒當戰國時孟荀兩大  
宗爲之龍象孔子弟子三千其後學者徒侶六萬紛紛傳教魏文侯師子夏滕  
文公行三年喪秦立博士皆行孔教至漢祖入魯特祀孔而董仲舒最爲醇儒  
請漢武帝特尊孔子諸不在孔子之學科者絕勿進置五經博士令郡國皆置  
文學置弟子誦五經博士弟子通經得一第者卽爲郎于是全國公卿守令  
皆由儒學進孔子之教徧行中國遂垂後世矣其時傳易有田何有施孟梁邱  
傳書有伏生至歐陽大小夏侯傳詩有齊魯韓三家禮有大小戴傳春秋有公  
羊穀梁師師相傳皆有口說大師著錄弟子萬數蓋儒學之盛也然西漢之末  
劉歆僞作古文經先改國語爲左傳以其事詳于是奪公穀晉世公穀有書無



師于是三世之學絕矣又僞託周公作周禮以攻孔子之禮卽如太監今文無之周禮有之于是後世仍養太監而十常侍亡漢天策亡唐魏忠賢亡明李聯英小德張亡清矣至今中國大亂皆劉歆作俑也古文行於晉後孔教遂爲一厄然教術傳播深入人心東漢之季政失於上而俗清於下范蔚宗儒林傳贊所謂人誦先王言也下畏逆順勢也人知君臣父子之綱家知違邪歸正之路故讓產讓爵崇尚氣節風俗之美後世所無蓋孔教之效也當時佛教始入中國而未行而中國教化大盛地球無比今人乃敢言孔子非教何其謬也佛入中國後老氏亦盛孔教始衰然學官弟子家誦孔經舉秀孝論政治無不以孔經爲國教也王通當隋之初獨昌孔教唐之劉迅蕭穎士皆擬作五經韓愈繼之愈著有原道其徒李習之著有復性劉禹錫著原天柳宗元亦講道尊孔宋則范文正歐陽文忠皆尊孔子明大道周敦頤程頤程顥張載繼之明道學關佛老尊德性孔子之學大盛於程子一傳爲楊龜山再傳爲羅仲素三傳爲李

延年四傳爲朱子朱子集其大成範圍七百歲朱子博極羣書又能居敬窮理  
注韓文楚辭參同契能詩能詞能寫字並能作畫無所不通千古異才無有  
其比其窮理上本韓極陰陽理氣之極中明德性之微下講小學言動視聽之  
則其於人道庶幾備矣惟蔽於劉歆僞古之文說謂周禮盛水不漏信爲周公  
所作謂大同爲老子之說謂春秋實不可解蓋甚虛心故不敢注春秋而所爲  
通鑿綱目如刑書然只知尊王攘夷而已其於三綱亦鞭辟太過令女道甚苦  
然以康熙時特定功令須服從朱子故數百年人信其學以爲孔子如是不知  
其非也今若祇守朱子據亂之說今中國已爲共和不必論而歐美各共和國  
皆天下爲公若無春秋三世禮運大同之學則孔子之遺已不能範圍今世矣  
其必見改而致倒雖有力者無能爲之辨護也吾甚敬朱子惟於大教所在不  
能不明之今人駁孔教者實是駁朱子非駁孔子也以孔子之教通于三世圓  
融無礙今歐美之制不能外之然則雖知孔子之教當知春秋三世之義當知

禮運大同之說欲知大同之說當求西漢今文五經之說而黜東漢以來偽古文五經之說進而求之六緯吾有偽經考孔子改制考春秋筆削微言大義考論語注中庸注孟子微皆發此義庶幾孔教可興大同之治可覩而諸君尊孔之心爲之大慰於今日會講有厚望焉



## 康南海先生第五次萬國道德會講演

十一月十九日

即夏曆十月十一日

萬國道德分會請南海先生河南李敏修先生王湛

廉先生懷甯何宇奇先生滋會下午二時萬君 鈍安李君 逸民門人張扶萬  
鄧剛仲同乘車往至則全體會員迎于門外劉兼座有公事不克前來滬省  
署景科長莘農代表陪講入座少息先生登臺起而言曰洪北江先生詩云大  
九洲環小九洲大瀛海外水環流九洲各有開天聖直把乾坤到盡頭自有  
人類即有首出之人說法教人皆以棄惡爲善以成道德昔地球未通各地各  
有聖人所謂教主是也吾國久有孔教無論矣印度之先有婆羅門其奉上帝  
曰八明教人聽誦曰四韋陀經吾有之全印奉婆羅門教二萬餘人歐洲之先  
有摩西教主敬上帝即猶太教也佛教興而目婆羅門爲外道然九十六外道  
已極精深佛出乎外道而加圓妙耳觀金七十論皆外道說于今佛學已多  
所有佛翻外道只是大乘不生不滅不垢不淨等至精微之說乃爲佛說耳

耶教興而摩西猶太之教不復尊行今僅存九百萬人然耶教雖出于猶太實兼採于佛故注重靈魂略同也摩西舊教過於狹隘其尊上帝人云以色列種人之上帝又不傳教他族不得預聞其教甚嚴今猶太人亡國于西歷七十三年至今千八百餘年猶太人猶日午哭于大關所築之城可謂堅苦矣故國亡而教猶存基督大改之一視同仁到處傳教不分種族所以勝也吾嘗遊耶路薩冷謁基督陵皆白文石爲之蓋君士但丁后掃羅氏所築也又遊伯利恆基督生處在一石岩下石馬槽今舖以紅緞被吾又浴于死海矣觀基督到處設教地昔亞力山大滅印度佛說隨之而西耶穌生於耶路薩冷與亞力山大城至近隔海相望故耶採佛教人天說而仍奉摩西之上帝調劑其間也其易知者佛教懸象以祀耶天主教亦同之佛教然燈獻花耶天主教亦同之其神父長袍升降行禮與僧同耶教言天國卽佛之人天教英倫惡士佛大學教授某君能考耶說多出于佛凡七十餘條今緬甸暹羅之佛教卽人天教也其教多

言因果人只能生天不能成佛然全國皆奉佛無他教僧皆苦乞無設庵者跣足苦行故人皆尊信之吾在緬京阿瓦曾爲緬人請於英吏開佛教會阿瓦有佛經五百碑立于一院如碑林然吾遊而得其一紙皆未入中國者也回教創于穆哈麥德唐書謂之穆護亦曰摩訶末當中國隋初在今之亞刺伯也然唐初卽入中國舊有白帽藍帽之分卽波斯突厥分教故也經曰可蘭傳教之法左手持經右手執劍經以教仁劍以示勇人從其教者日拜天五次少亦二次祭必洗身否亦浴足其比各教尤鞭辟近裏使人時時生敬畏之心真儒教所謂上帝臨汝無貳爾心也但稍繁難耳其餘禮教亦多近儒惟昔遊突厥京君士但部觀其人民眉皆長鎖絕無懽容又全京無行樂地位戲亦無之張而不弛未免苦而不樂耳回教言天有九重日月五星諸天外又有五色晃耀之天爲上帝之所在其先賢亦能通觀諸天然今勿論恒星天銀河天窩雲天但繞地于五星外降乾四十八年測得天王星咸豐八年測得海王星而回教尙未

發明之其可闡經傳中國千餘年惜未譯吾昔日英文譯之惜以事夫畢也波斯奉日教印人亦多奉之吾地生于日吾人賴日之光以生奉日教甚是也其教主曰祚樂阿士對其說主陰陽萬物皆有對舉與孔子甚同也惜其經未入中國吾昔甚欲養如學生一學波斯文以譯祚樂阿斯對之經一學緬文以譯人天教之經一學阿拉伯文以考亞歐交通之學惜皆未成甚望後之志士成吾此志也以區區小地球而文學尙未全發於中國何言諸天各教莫不尊天事上帝惟佛以爲天帝與佛戰天帝爲佛所敗因爲佛弟子頗爲可異也孔教中庸以智仁勇三達德爲要大概佛家言廣大圓明智也耶言博愛仁也回教勇猛嚴敬勇也知各教不外智仁勇則吾人之求智仁勇以立道德之基以宏道德之量不可不勉也

中國自古有道教蓋神仙之說方士之學並非出于老子老子曰天地且不能久何況于人乎則老子非言長生者老子實思用世之人非出世之人或以孔



子問禮于老子與著書之老子爲二人或然也道德一經除道之爲物惟恍惟惚惚兮恍兮其中有象恍兮惚兮其中有物窈兮冥兮其中有精又曰谷神不死是謂玄牝玄牝之門是謂天地根絳絳若存用之不勤又曰載營魄抱一能無離乎專氣致柔能嬰兒乎滌除玄覽能無疵乎寥寥數語爲後世道家所宗外餘則與後世所謂修煉符籙長生多不相涉即以神仙論古之神仙王喬洪崖偃佺見於漢晉人書者後世不聞漢之鍾離自唐宋以來無人道及唐之呂祖盛傳於宋明之際今已傳說日少計其存世多則千年少則數百年然宇宙無窮諸天無盡千數百年間猶刹那耳何足道哉至道教符籙之說始於漢之張道陵盛於元魏之寇謙之傳於宋之林靈素修煉之說始于晉之葛洪傳於齊梁時之陶宏景至金時咸陽人王喆出創全真之教取號重陽始光大其說性命雙修南北合宗集道教之大成其徒邱馬譚劉皆一時人傑邱尤知名元太祖召至西域呼爲神仙而不名邱以仁慈之說進於元祖當時以戰爭爲事

得其言而生民隱受其福免於奴虜鋒鏑者不知凡幾吾門人張扶萬曾撰金史王結傳又陝之先識宜共知之可爲諸君詳言其事傳附於後

各教主莫不愛人吾皆敬之無可議者而以吾國歷史風俗考之則有宜有不  
宜者不可不酌也如耶教博愛美矣然唾左面而仍請唾右面其意則以怨報  
德辱我不校傷我不怨豈於慈厚然人情恐有難行佛則捨身救人臂可飼鷲  
肉可食虎吾人效法能乎不能惟孔教中正和平稱物平施人以禮來我以禮  
往相親相愛毋詐毋虞如衣服然狐貉之裘非不暖也初冬服之則熱不堪矣  
紗羅之衫非不美也今冬日服之則冷不宜矣各教博愛仁慈非不善也而以  
吾國之風俗習慣衡之正如服狐貉之裘紗羅之衫於今日秋末冬初之時非  
失於暖即失於寒施以孔教則人心悅豫各遂其生猶如薄棉之適體無無過  
不及之慮也若夫言靈魂則諸教無不同者傳曰人初生魄陽曰魂是以有精  
爽至於神明魂其粗者神明其精者大學開口則曰明明德虛靈不昧易曰大

明終始禮記曰知氣在上若魂氣則無不之耶所謂靈魂佛所謂阿賴耶識深之則不生不滅不增不減不垢不淨者也明之至則超凡入聖造化同游其理同於電矣今夫電一杪時則三十萬里人之電力可上達於諸星諸無量天知電通之理則人世之富貴貧賤不足介意而地球之微渺不足嬰吾念慮矣明德之方通電之要全在於人心之思想思善則善思惡則惡大約可以神道入道獸道三別之 楞嚴經曰純想即飛生于天上純情即累入於人間純欲即墜落於禽獸此理甚鏗吾好想天游輒夢飛行雲生足底能去地不過數尺高僅二三丈蓋吾世念不能去故也佛教注於想中庸大學戒於慎獨世人之存心不可不慎想生於心可證於夢寐常人之沈溺莫甚於財色故心之所悅者好色之人多形於夢中若吾人盜財之事少聞見之夢中者可知少有所知必無盜竊之念故其事不形睡夢也然則吾人之所最忌者詐僞陰謀險狠有一於此德不能明電力消耗去人身而墮禽獸矣昔馬祖說法有五百年修煉之

狐狸問脫獸體成人身之法馬祖曰不昧因果不必問人身狐身與否狐狸聞之大悟而去夫狐狸是否脫去皮毛今不必論而即不昧因果四字言之則已超脫生死絕無所累矣孔教之吃緊爲人處在此諸教主丁寧超度吾人亦在此世吾人人生之第一要義也夫地球之上各教之多皆誨人爲善然人數至衆風土至異吾少著大同書即擬聯合諸教往年英教士李提摩太博學能仁而有識人也嘗與吾言謂大地多教決非一教主所能統一吾教同人攻吾叛教吾謂非此不能保教也欲採大地各教主之所長聯合諸教約吾共行之吾深慮其說與吾同今萬國道德會之設猶前志也江神童爲吾門人抱此大志今諸君具此願力望各努力以期成德豈惟一省一國之事其將行于大地各國有厚望焉

先生講畢有拜跪座下問遺者 李敏修先生景科長寇會長各演講道德大義文多不備錄講畢在座諸君起立答謝而散

### 王結傳

按王重陽生於咸陽之大魏村母孕二十四月而生鬚眉秀朗身體雄偉材兼文武初常散財以濟貧乏後遊鄠縣之甘河鎮遇神人授之訣始有出世之志築室於劉蔭村一日自焚其室歌舞於旁鄉人以害風目之旋行乞出關至山東寧海州化富人馬從義夫婦從之游馬改名鈺即丹陽真人其妻卽孫不二而邱處機譚處端王處一劉處玄郝大通皆從之遊世所謂重陽門下七真也重陽年五十八至開封先期示門人辭世之日歸葬於劉蔭村今之祖庵鎮也馬丹陽嗣其教邱長春繼之餘則分途布教於四方以孝經道德經清淨經心經傳示於金世宗章宗時常召其徒入京問其教宗而當時士大夫服其艱苦自修愛人濟物如河南辛願太平元好問奉元楊煥然屢稱道之金末中原塗炭文物喪失惟全真之徒於來歸者飲食教誨不少吝惜而武夫悍卒感其慈善南隣淮東抵海北

至朔漠凡全真觀所在師徒所居相率保護不加殘害故子遺之民藉以自全邱長春益加大觀西遊記一書可知其詳矣長春再傳有李志常李志源于善慶能紹宗風元末其教少衰然今之道教大抵皆全真餘派則王重陽實金元以來一大教主川嶽鍾靈生此異人實鄉邦有光矣